

## Qo'shimcha axborotlar (izohlar, hisob-kitoblar, tushuntirishlar)

14. Turli xo'jalik yurituvchi sub'yektlar faoliyatining ko'p qirraliligi hisobga olganda, moliyaviy hisobotlar foydalanuvchilarni iqtisodiy qarorlar qabul qilish uchun zarur bo'lgan barcha axborot bilan ta'minlay olmaydi. Shuning uchun yillik moliyaviy hisobotlarga qo'shimcha ravishda ma'muriyat tomonidan tuziladigan moliyaviy sharh kiritilib, unda xo'jalik yurituvchi sub'yekt moliyaviy faoliyati va moliyaviy holatining asosiy belgilari tushuntirib beriladi va ular duch kelayotgan asosiy noaniqliklar bayon qilinadi.

Bu sharhda xo'jalik yurituvchi sub'yektning faoliyati natijalariga, faoliyatini qo'llab-quvvatlash va mustahkamlash uchun investisiya siyosatiga, jumladan joriy davrda va kelgusi davrlarda dividendlar siyosatiga ta'sir qiluvchi asosiy omillar yoritib beriladi, xususan:

14.1. Xo'jalik yurituvchi sub'yektni moliyalashtirish manbalari va risklarni boshqarish;

14.2. Xo'jalik yurituvchi sub'yekt ishlab turgan tashqi muhitdagi o'zgarishlar va bu o'zgarishlarga uning munosabati hamda ularning sub'yekt faoliyatiga ta'siri;

14.3. Foydalanuvchilar qaror qabul qilishi uchun boshqa muhim axborotlar.

15. Qo'shimcha axborotni taqdim etish. Tushuntirishlar, izohlar va hisob-kitoblar xo'jalik yurituvchi sub'yekt tomonidan maxsus shaklda yoki erkin shaklda taqdim etiladi.